



SAVEZ OPĆINA I GRADOVA
FEDERACIJE BOSNE I HERCEGOVINE
Association of municipalities and cities of the FBiH

GODINA: XIII

BROJ: 217

DATUM: 15.04.2016.GODINE



Usluge Saveza

• PRAVNO SAVJETOVALIŠTE:

Selma Fišek, viši saradnik za pravna pitanja
fax: + 387 33 552 810
selma@sogfbih.ba

• FINANSIJSKO SAVJETOVALIŠTE:

Dženita Kovačević, viši saradnik za finansijska pitanja
fax: + 387 33 552 810
dzenita@sogfbih.ba

Sadržaj biltena:

Dvodnevna obuka za predstavnike općina i javnih vodovodnih/ komunalnih preduzeća

1

Održano savjetovanje na temu: "LOD metodologija i njena primjena"

1

Održan prvi sastanak projektnog odbora projekta Lokalni integrisani razvoj

2

Održana Konferencija načelnika općina, gradonačelnika i predsjednika skupština gradova i općina Republike Srpske

2

Otvoren 19. međunarodni sajam gospodarstva u Mostaru

3

Stari Grad: gradi se prvi park šuma prijateljstva

4

Gradonačelnici Sarajeva i Budimpešte o definiranju sporazuma o saradnji

4

Savez općina i gradova Federacije BiH u medijima

5

Livno i Cazin dobit će status grada

6

Bilten Saveza općina i gradova Federacije Bosne i Hercegovine

DVODNEVNA OBUKA ZA PREDSTAVNIKE OPĆINA I JAVNIH VODOVODNIH/ KOMUNALNIH PREDUZEĆA



U organizaciji Saveza općina i gradova Federacije Bosne i Hercegovine je 12. aprila/ travnja u hotelu Bristol započeo prvi dvodnevni trening za 16 predstavnika jedinica lokalne samouprave i javnih vodovodnih/komunalnih poduzeća na temu "Učinkovita organizacija i učinkovito upravljanje komunalnim uslugama, planiranje i provedba infrastrukturnih projekata". Na početku treninga nazočnima se obratila Radmila Komadina, glavna

savjetnica gradonačelnika Mostara koja je tom prigodom istaknula važnost ove teme za sve jedinice lokalne samouprave ali posebice za Grad Mostara koji treba urediti komunalnu djelatnost jer ona danas nije na potrebnoj razini, te da svaka lokalna vlast mora postupiti vrlo odgovorno u pružanju komunalnih usluga građanima. Amir Kupusija, projekt menager SOGFBiH, naglasio je kako je ovo važan projekt koji će se raditi na lokalnom i regionalnoj razini. Prema njegovim riječima obuku će izvoditi 33 trenera, a u sklopu SOGFBiH educirano je 8 trenera koji će izvoditi obuku, a upravo prva obuka organizirana je danas u Mostaru. Kako je istaknuo, SOGFBiH, zajedno s Mrežom lokalnih vlasti jugoistočne Europe (NALAS) i asocijacijama gradova i općina iz Srbije, Hrvatske i Makedonije, sudjeluje u provedbi projekta "Lokalni lideri u jugoistočnoj Europi" (JLS), koji ima svrhu poboljšati upravljanje, vodstvo i kapacitete općina i javnih vodovodnih i komunalnih poduzeća (JVP/JKP) u jugoistočnoj Europi. Projekt podržava Njemačka agencija za međunarodnu suradnju (GIZ). SOGFBiH je prije provođenja treninga izvršio procjenu statusa provedbe projekata u oblasti vodoopskrbe i odvodnje otpadnih voda te analizu potreba općina za jačanje kapaciteta i specifičnim obukama iz oblasti komunalnih djelatnosti za uposlenike u općinama i javnim vodovodnim/komunalnim poduzećima. Također, u skladu s procjenom stanja, stručni tim trenera, uz podršku SOG FBiH, kreirao je koncept specifične dvodnevne obuke u okviru koje će se raditi na podizanju svijesti o ključnim područjima unaprjeđenja u sektoru komunalnih djelatnosti na lokalnoj razini, te postizanju razumijevanja o aspektima planiranja i provedbe infrastrukturnih projekata i procedura međunarodnih finansijskih institucija.

ODRŽANO SAVJETOVANJE NA TEMU: „LOD METODOLOGIJA I NJENA PRIMJENA“

Savez općina i gradova Federacije Bosne i Hercegovine (SOGFBiH), u saradnji sa Razvojnim programom Ujedinjenih nacija (UNDP) u BiH - Projekat Jačanje lokalne demokratije / demokracije IV (LOD IV), organizirao je u Sarajevu, 5. aprila/travnja savjetovanje za predstavnike federalnih ministarstava na temu: „LOD metodologija i njena primjena“. Održavanje ovog savjetovanja rezultat je zaključka sa održane radionice za predstavnike federalnih ministarstava na temu: „Raspodjela budžetskih sredstava organizacijama civilnog društva“, od 16.07.2013. godine.

Gledajte Savez općina i gradova
Federacije Bosne i Hercegovine na



Savjetovanje se sastojalo od dva dijela. U prvom dijelu, Selma Osmanagić-Agović (Projekat LOD IV) je putem prezentacije upoznala učesnike sa dosadašnjim projektnim aktivnostima, ostvarenim rezultatima kao i budućim koracima projekta Jačanje lokalne demokratije/demokracije LOD. U drugom dijelu, Adi Imamović (SOGFBiH) je prezentirao LOD metodologiju, kojom prilikom je upoznao učesnike sa osnovnim principima na kojima se temelji LOD metodologija, koracima u primjeni, te postupcima i pratećom dokumentacijom. Osnovni cilj



današnjeg savjetovanja je bio da se iznađe način na koji bi se LOD metodologija prihvatila kao obavezujući dokument na entitetskom nivou prilikom dodjele sredstava OCD. Tokom rasprave, Selma Osmanagić-Agović je istakla kako je Brčko Distrikt BiH u procesu izrade Zakona o grantovima kojim će se regulisati način dodjele sredstava OCD, dok je u Republici Srpskoj Ministarstvo uprave i lokalne samouprave donijelo Odluku kojom se preporučuje općinama i gradovima primjena LOD metodologije, a Ministarstvo finansija usvojilo metodologiju koja se u značajnoj mjeri naslanja na sadržaj LOD metodologije. Svi učesnici su se složili da Odluka o usvajanju metodologije za transparentno finansiranje projekata organizacija civilnog društva po standardima Evropske unije, koju je donijela Vlada Federacije Bosne i Hercegovine („Sl. novine FBiH“, br. 23/14), nije dovoljna kako bi sva federalna ministarstva prilikom raspodjele sredstava OCD koristila LOD metodologiju. Na kraju savjetovanja učesnici su prihvatili sljedeće zaključke:

- LOD metodologija kao instrument za transparentnu dodjelu sredstava OCD je prihvatljiva za federalna ministarstva i ista se preporučuje svima na korištenje;
- Odluka o usvajanju metodologije za transparentno finansiranje projekata organizacija civilnog društva po standardima Evropske unije, koju je donijela Vlada Federacije Bosne i Hercegovine („Sl. novine FBiH“, br. 23/14) može poslužiti kao polazna osnova i referenca za izradu akta koji će biti obavezujući za organ uprave;
- Savez općina i gradova FBiH i UNDP će u saradnji sa Federalnim ministarstvom finansija i Federalnim ministarstvom pravde dogovoriti koji oblik norme je potrebno donijeti kako bi LOD metodologija bila obavezujuća za provedbu;
- Informaciju i zaključke sa današnjeg savjetovanja uputiti svim ministrima u Vladi Federacije Bosne i Hercegovine.

LOD metodologiju je usvojila Vlada Federacije Bosne i Hercegovine na 103. sjednici održanoj 13.03.2014. godine i preporučila na usvajanje i primjenu nižim nivoima vlasti (kantonima i jedinicama lokalne samouprave). Cilj LOD metodologije je da se budžetska sredstva koja se dodjeljuju organizacijama civilnog društva (OCD) koriste efektivno, efikasno i transparentno, te da osigura kvalitet u procesima planiranja i provedbe projekata kao i uniformnost u korištenju alata i dokumentacije za uspješnu provedbu projekata OCD. LOD metodologija pruža podršku jedinicama lokalne samouprave (JLS) i drugim nivoima vlasti da sredstva javne potrošnje, koja su namijenjena za dodjelu OCD usmjere kroz projektni pristup stvarnim potrebama građana čime se doprinosi ostvarivanju razvojnih ciljeva. Ona je skup koraka koji na jednostavan, sveobuhvatan i prilagodljiv način, vodi cjelokupan proces dodjele budžetskih sredstava OCD-ma, uključujući pripremu, upravljanje i provedbu projekata. Ovaj pristup kombinuje preporuke Evropske unije u upravljanju projektnim ciklusom, te osigurava instrumente za efikasno trošenje javnih fondova. Projekat "Jačanje lokalne demokratije/demokracije IV (LOD IV)" sprovodi Razvojni program Ujedinjenih nacija (UNDP), a finansira Evropska unija iz sredstava Instrumenta za pretpriступnu pomoć (IPA) u iznosu od 2 miliona eura.

ODRŽAN PRVI SASTANAK PROJEKTOG ODBORA PROJEKTA LOKALNI INTEGRISANI RAZVOJ (LID)

Prvi sastanak Projektnog odbora projekta "Lokalni integrirani razvoj" (LID), kojeg provodi UNDP, finansira Evropska unija, održan je 12. aprila/ travnja u Sarajevu. Na Prvom sastanku Projektnog odbora predstavljen je rezultat javnog poziva za jedinice lokalne samouprave za učešće u projektu. Na javni poziv su se mogle prijaviti općine i gradovi koje su proglasile stanje elementarne nepogode u maju 2014. i koje su tada imale najteže štete usljed poplava i klizišta, kao i one koje je Visoki komesarijat za izbjeglice (UNHCR) odredio kao prioritete za rješavanje pitanja povratka i interne raseljenosti.

*Svi učesnici su se složili da
Odluka o usvajanju
metodologije za
transparentno finansiranje
projekata organizacija
civilnog društva po
standardima Evropske
unije, koju je donijela
Vlada Federacije Bosne i
Hercegovine („Sl. novine
FBiH“, br. 23/14), nije
dovoljna kako bi sva
federalna ministarstva
prilikom raspodjele
sredstava OCD koristila
LOD metodologiju.*





Od ukupno 58 jedinica lokalne samouprave koje su se prijavile na javni poziv, tim projekta LID, na osnovu projektnih kriterija, izvršio je izbor 21 jedinice lokalne samouprave za partnere u projektu, a koje su geografski i ekonomski povezane u četiri klastera. To su: Banja Luka, Bijeljina, Čelinac, Dobo, Foča, Goražde, Gradiška, Konjic, Mostar, Maglaj, Modriča, Novi Grad, Odžak, Orašje, Prijedor, Srebrenik, Šamac, Tuzla, Vareš,

Žepče i Živinice. Projektni odbor je izvršio validaciju unaprijed izvršenog odabira partnerskih jedinica lokalne samouprave. LID je zajednička inicijativa Delegacije Evropske Unije u BiH i UNDP -a koji će se realizovati u periodu od 2016. do kraja 2018. godine, u saradnji sa Ministarstvom za ljudska prava i izbjeglice BiH, Ministarstvom uprave i lokalne samouprave Republike Srpske, Ministarstvom razvoja, poduzetništva i obrta (FBiH) i Savezom općina i gradova FBiH i Savezom općina i gradova RS-a. Projekt je dio nedavno pokrenutog EU programa za lokalni razvoj i zapošljavanje, koji predstavlja nastavak pojedinih aktivnosti Programa za oporavak od poplava u oblasti ekonomskog oporavka u područjima pogođenim poplavama, a također će podržati lokalni ekonomski razvoj i lokalne nevladine organizacije u okviru pomoći za oporavak i društveni razvoj. Osnovni cilj projekta je podizanje standarda života i socijalne povezanosti u BiH kroz inkluzivno održiv socio-ekonomski razvoj. U tom smislu, specifični cilj jeste stimulisanje aktivnosti dobre uprave i ekonomske aktivnosti kao i promovisanje socijalne inkluzije na lokalnom nivou kroz integralni lokalni razvoj u područjima nastradalim u poplavama 2014. godine i područjima sa velikim udjelom povratničke populacije i interno raseljenih lica.

KORISNI LINKOVI ZA PREDPRISTUPNE FONDove EU:

www.southeast-europe.net
www.adriaticipacbc.org
www.interregadriatico.it
www.europa.ba
www.cbib-eu.org
www.cbc-bih-mne.org
www.srb-bih.org
www.cbc-cro-bih.net
www.programmmed.eu
www.tacso.org
www.euroinfocentar.ba
www.balkanfund.org
www.eurelmed.com
www.eacea.ec.europa.eu

ODRŽANA KONFERENCIJA NAČELNIKA OPŠTINA, GRADONAČELNIKA I PREDSJEDNIKA SKUPŠTINA GRADOVA I OPŠTINA REPUBLIKE SRPSKE

U zgradi Vlade Republike Srpske je 8. aprila / travnja 2016. godine, uz podršku Ministarstva uprave i lokalne samouprave RS, održana je Skupština Saveza općina i gradova Republike Srpske. Među prisutnima bili su i predstavnici Saveza općina i gradova Federaciji BiH, na čelu sa direktoricom Vesnom Travljanin.

U okviru Skupštine održana je Konferencija grado/načelnika općina i predsjednika Skupština gradova i općina u Republici Srpskoj, koju je podržala OSCE-a u BiH putem projekta "Podrška saveza općina i gradova". Centralna tema ove konferencije, kojoj je prisustvovala ministar



uprave i lokalne samouprave RS Lejla Rešić bila je Nacrt zakona o lokalnoj samoupravi i Nacrt zakona o službenicima i namještenicima u organima jedinice lokalne samouprave.

Uz prisustvo velikog broja gradonačelnika i načelnika općina, sumirana su sugestije i prijedlozi sa javnih rasprava u vezi navedenih zakona a čula su se, s tim u vezi i mišljenja čelnih ljudi općina i gradova RS. Ministarska Rešić i predsjednik Saveza općina i gradova RS Mićo Mićić kao i predstavnik OSCE-a, tim povodom su održali konferenciju za novinare na kojoj su govorili o značaju ova dva sistemska rješenja za lokalne zajednice i same građane jer, prilike na terenu, kako je rekla ministrica Rešić zahtijevaju izmjene postojećih zakona u oblasti lokalne samouprave.

O nacrtima ovim zakonima je u proteklom periodu provedena javna rasprava, a konačnu riječ daće Narodna skupština RS. Na Konferenciji je razgovarano i o primopredaji dužnosti u jedinicama lokalne samouprave nakon prestanka mandata i etičkom ponašanju kandidata tokom izborne kampanje. Skupštini Saveza općina i gradova RS je prisustvovala i potpredsjednica Vlade RS, ministrica Srebrenka Golić.



Logo Saveza općina i gradova
Republike Srpske



OTVOREN 19. MEĐUNARODNI SAJAM GOSPODARSTVA U MOSTARU



Međunarodni sajam privrede Mostar - 2016., jedna od najznačajnijih privrednih manifestacija u BiH i susjedstvu, otvoren je 12. aprila/ travnja u Slobodnoj zoni Hercegovina u Mostaru. Devetnaesti po redu Sajem otvorio je Numan Kurtulmus, zamjenik premijera Vlade Republike Turske, zemlje partnera ovogodišnjeg sajma, koji je kazao kako BiH i Turska u svim aspektima - privrednim, političkim, kulturnim, imaju izuzetnu saradnju te kako je ta saradnja svake godine sve

bolja. Čestitao je organizatorima manifestacije što već 19 godinu za redom održavaju ovaj značajan privredni događaj te poželio mnogo uspjeha svima, posebice izlagačima. Nazočne je pozdravio i predsjedatelj Predsjedništva BiH Bakir Izetbegović, kazavši kako je sajam u Mostaru postao jedna od najznačajnijih privrednih manifestacija, kako u BiH, tako i šire. Izrazio je posebno zadovoljstvo što je ove godine partner sajma zemlja Turska s kojom, kako je kazao, BiH ima izvanrednu saradnju na svim nivoima. Također je čestitao organizatorima, te poželio uspjeh izlagačima. Dobrodošlicu i ugodan boravak na ovom značajnom privrednom događaju visokim predstavništvima, sajamskim izlagačima i posjetiteljima iskazali su domaćini manifestacije - direktorica Mostarskog sajma Dalfina Bošnjak i gradonačelnik Mostara Ljubo Bešlić. "Već devetnaestu godinu Sajem privrede ne samo da se održava nego iz godine u godinu raste, povećava svoju ponudu, privlači sve veći broj izlagača i posjetitelja i postao sigurno vodeća privredna izložbena manifestacija u ovom dijelu Evrope. Međunarodni sajam privrede u Mostaru postao je brend među sajamskim manifestacijama i kao takav ima veliki značaj prije svega za grad Mostar ali i Bosnu i Hercegovinu. Kroz Mostarski sajam i mi se kao grad otvaramo investitorima koji imaju kvalitetne poslovne projekte da ih ovdje mogu realizovati, ali i prezentiramo Grad kao turističko odredište s UNESCO-ovim spomenikom i bogatstvom naših kulturnih različitosti", kazao je Bešlić te poručio kako Mostar, kao što mu i ime kaže, se još jednom pokazao da jeste i može biti most. Most koji povezuje susjede, mjesto gdje, kao malo gdje u BiH. Na kraju je čestitao organizatorima 19. Međunarodnog sajma privrede „Mostar 2016“ na čelu sa direktoricom Dalfinom Bošnjak. Tokom ceremonije otvaranja obratili su se i visoki dužnosnici susjednih zemalja i to predsjednica Republike Hrvatske Kolinda Grabar Kitarović, predsjednik Crne Gore Filip Vujanović i premijer Srbije Aleksandar Vučić, te hrvatski i srpski član Predsjedništva BiH Dragan Čović i Mladen Ivanić. Kolinda Grabar Kitarović naglasila je kako će BiH u Hrvatskoj uvijek imati prijatelja i partnera te da će Hrvatska biti zemlja partner 20 jubilarnog sajma iduće godine. Nakon svečanosti otvaranja, visoki dužnosnici uputili su se u obilazak sajamskog izložbenog prostora, a na marginama sajma planirani su bilateralni susreti.

Izvor: www.mostar.ba

“Međunarodni sajam privrede u Mostaru postao je brend među sajamskim manifestacijama i kao takav ima veliki značaj prije svega za grad Mostar ali i Bosnu i Hercegovinu. Kroz Mostarski sajam i mi se kao grad otvaramo investitorima koji imaju kvalitetne poslovne projekte da ih ovdje mogu realizovati, ali i prezentiramo Grad kao turističko odredište”, rekao je Ljubo Bešlić.

STARI GRAD SARAJEVO: GRADI SE PRVI PARK ŠUMA PRIJATELJSTVA

Radove na izgradnji Park šume prijateljstva u Bosni i Hercegovini, koji će se prostirati na površini od šest hektara 13. aprila/ travnja su obišli načelnik Općine Stari Grad Ibrahim Hadžibajrić i direktor preduzeća "Sarajevo-šume" Nermin Demirović, saopštila je Općina Stari Grad. Na Grdonju, iznad Sedrenika, gradi se prvi Park šuma prijateljstva u Bosni i Hercegovini, gradi se na teritoriji općine Stari Grad koja je obezbijedila potrebne urbanističke i građevinske saglasnosti, a projekat realizuju Šume Republike Turske, KJP "Sarajevo-šume" i kompanija "Natron-Hayat" d.o.o iz Maglaja. Ideja o gradnji ovog parka postoji već nekoliko godina, kada su iz Republike Turske izrazili želju da prvi put van granica svoje zemlje sagrađe ovakav park. Demirović je Hadžibajriću još jednom predstavio projekat, te kazao da će se u realizaciju uključiti i kantonalno Ministarstvo komunalne privrede.



"U projekat će se uključiti i Ministarstvo privrede koje će urediti travnate površine. Radiće se rekultivacija zemljišta, što znači preuređenje zemljane površine sa niskim rastinjem i podrastinjem, ravnanje površine, sadnja trave i uređenje staza. Na cijelom prostoru će biti postavljeno ukupno 29 objekata: šadrvana, nadstrešnica, hladnjaka, te dječije igralište", pojasnio je Demirović, dodavši da je vrijednost ovog projekata blizu 400.000 KM. Osim toga, pripremljene su betonske podloge za postavljanje šadrvana i kućica, a vrlo brzo iz Turske bi trebale biti dopremljene i postavljene drvene konstrukcije i ostali parkovski mobilijar koji je predviđen projektom. Prema projektu, Park šuma prijateljstva će krasiti vidikovac sa veličanstvenim pogledom na Sarajevo i šetnica, amfiteatar koji će moći primiti 80 posjetilaca, te prostor za vježbanje opremljen savremenim spravama za vježbanje. Također, predviđen je prostor za piknike, dječije igralište sa modernim mobilijarom, fontana, te hladnjaci (sjenici). Duž šetnice biće izgrađen i drveni most, dužine 10 metara. Iz preduzeća "Sarajevo-šume" najavljuju da bi radovi na završetku izgradnje Parka šume prijateljstva trebali biti završeni u julu ove godine.



GRADONAČELNICI SARAJEVA I BUDIMPEŠTE O DEFINIRANJU SPORAZUMA O SARADNJI



Grb Grada Sarajeva



Gradonačelnik Sarajeva Ivo Komšić upriličio je 13. aprila/ travnja prijem za gradonačelnika Budimpešte Istvána Tarlósa. Komšić je zahvalio vladi Mađarske i Gradu Budimpešti na doniranim sredstvima koja su utrošena u obnovu sarajevske Vijećnice, kao i na pomoći upućenoj BiH povodom velikih poplava u maju 2014. godine. Istakao je da je za BiH važno da se Mađarska kao članica Evropske unije zalaže da BiH što prije postane dio Evrope. Po riječima gradonačelnika Budimpešte, Mađarska želi da gradi dobre odnose u regionu, pa prema tome i s BiH. "Sarajevo i

Budimpešta kao glavni gradovi mogu odigrati značajnu ulogu u približavanju i intenziviranju odnosa između naših država", kazao je István Tarlós. Gradonačelnik Komšić prihvatio je prijedlog gradonačelnika Tarlósa o konkretiziranju međusobnih veza Sarajeva i Budimpešte kroz definiranje sporazuma o saradnji u oblasti upravljanja javnim uslugama, kulture i sporta. Također je inicirana direktna saradnja između univerziteta dvaju gradova, tačnije između tehničkih i medicinskih fakulteta, razmjenom profesora i studenata, saopćeno je iz Gradske uprave

KORISNI LINKOVI ZA PREDPRISTUPNE FONDove EU:

www.southeast-europe.net
www.adriaticpabc.org
www.interregadriatico.it
www.europa.ba
www.cbib-eu.org
www.cbib-bih-mne.org
www.srb-bih.org
www.cbib-cro-bih.net
www.programmede.eu
www.tacso.org
www.euroinfoentar.ba
www.balkanfund.org
www.eurelmed.com
www.eacea.ec.europa.eu

SAVEZ OPĆINA I GRADOVA FEDERACIJE BIH U MEDIJIMA



Večernji list, 13. april/ travanj
2016. godine



Dnevni list, 13. april/travanj
2016. godine



Musala 5/1

71000 Sarajevo

Telefon: ++387 33 216 502, 209 024, 209 120

Fax: ++387 33 552 810, 216 502

E-mail: dino@sogfbih.ba

Pratite nas na:

Gledajte Savez općina i gradova Federacije Bosne i Hercegovine na



Pratite Savez općina i gradova FBiH na



Poštovani čitaoci,

putem ovog biltena pružamo Vam mogućnost da se informišete o aktivnostima Saveza, o bitnim dešavanjima u općinama i gradovima, aktivnostima naših partnera, institucija vlasti, kao i o razmjeni najboljih iskustava i praksi.

Na ovaj način Vam, također pružamo informacije o održanim konferencijama, seminarima, radionicama, okruglim stolovima, javnim raspravama, o održanim sjednicama organa i tijela Saveza.

Ukoliko želite da se prijavite za primanje ovog biltena možete to učiniti tako što ćete poslati e-mail na: dino@sogfbih.ba

Molimo vas da informacije o našem biltenu prosljedite svim u vašoj i susjednim općinama i drugim zainteresiranim.

Ukoliko želite da objavite neke od vaših novosti, iskoristite bilten Saveza, koji je brz i efikasan način komuniciranja.

Sa zadovoljstvom očekujemo vaše komentare, sugestije i primjedbe.

LIVNO I CAZIN DOBIT ĆE STATUS GRADA

Vlada Federacije BiH jučer je, u skladu sa uvjetima iz člana 5. stav 2. Zakona o principima lokalne samouprave u FBiH, utvrdila nacrt Zakona o Gradu Cazin i Zakona o Gradu Livno. Ovi zakoni određuju teritorije, propisuju svojstvo, organe, način izbora gradskih vijeća i gradonačelnika, uređuju donošenje privremenih statutarних odluka i statuta, raspisivanje izbora i druga pitanja od značaja za Cazin i Livno. Status gradova Cazin i Livno omogućava, uz ostalo, mogućnost direktnog pristupa evropskim fondovima, ojačavanje partnerskog odnosa prema drugim gradovima, kako u Bosni i Hercegovini, tako i u regiji. Status grada daje prednosti prilikom kandidiranja projekata prema međunarodnim donatorima. Nakon proglašenja, gradovi Cazin i Livno će u cijelosti preuzeti prava i obaveze dosadašnjih općina kao njihovi pravni sljednici.



Livno



Cazin

